

— 1848 —



— 1948 —

ԽԱՉԱՏՈՒՐ ԱՔՈՎԵՅԱՆԻ ՄԱՆՎԱՆ 100-ԱՄՅԱԿԻ ԱՌԹԻՎ

1948 թվի հունվարի 12-ին ՀՍՍՌ Մինիստրների Սովետի նախագահ Ս. Կարապետյանի նախագահությամբ տեղի ունեցավ հայ մեծ գրող Խաչատուր Աբովյանի մահվան 100-ամյակի նշանավորման ռեպուբլիկական հորեկյանական հանձնաժողովի նիստը:

Հանձնաժողովը լսեց Հայկական ՍՍՌ Գիտությունների Ակադեմիայի, Երևանի Մոլոտովի անվան Պետական համալսարանի, Արվեստի Գործերի Վարչության, Հայաստանի Սովետական Գրողների Միության, Կուստուր-լուսավորական հիմնարկությունների Գործերի Կոմիտեի և Հայկական ՍՍՌ Կինեմատոգրաֆիայի Մինիստրության ներկայացուցիչների հաղորդումները և հաստատելու հաշատուր Աբովյանի մահվան 100-ամյակի նշանավորման առթիվ ներկայացված միջոցառումները:

Հանձնաժողովը հանձնարարեց Հայկական ՍՍՌ Գիտությունների Ակադեմիային, Երևանի Մոլոտովի անվան Պետական համալսարանին և Հայպետհրատին՝ հանձնաժողովի հաջորդ նիստում ներկայացնել Խաչատուր Աբովյանի կյանքի, գործունեության ու ստեղծագործության վերաբերյալ գրքերի հրատարակման պլանը:

Հանձնաժողովը ընդունեց Ակադեմիայի և Պետական Համալսարանի աշխատողներին Թբիլիսի, Մոսկվա, Լենինգրադ և Տաբատու քաղաքները գործուղելու առաջարկը՝ հիշյալ քաղաքներում Խաչատուր Աբովյանի գտնվելու հետ կապված արխիվային նյութերն ու տվյալները հայտնաբերելու համար:

Երևանի Մոլոտովի անվան Պետական համալսարանը նախատեսել է հորեկյանական օրերին անցկացնել հատուկ սեսիա,

որտեղ կարգացվելու են դիտական հանրամատչելի զեկուցումների ցիկը, ինչպես նաև դասախոսություններ ուսանողության համար:

Հայկական ՍՍՌ Մինիստրների Սովետին կից Արվեստի Գործերի Վարչությանը հանձնարարվել է պատրաստել երգեցիկ խմբի և յիմֆոնիկ նվագախմբի համար հանդիսավոր կանտատա, երգեր, պիես և մի շարք զեղարվեստական երկեր: Մասնավորապես նախատեսված է մասսայաբար պատրաստել Խաչատուր Աբովյանի կիսանդրիներ և քանդակներ:

Հայաստանի Սովետական Գրողների Միությունը եղբայրական ռեպուբլիկաներին է ուղարկում մեծ գրողի ընտիր երկերի բառացի ռուսերեն թարգմանությունը և նախապատրաստում է պարբերական մամուլում հրատարակելու համար Խաչատուր Աբովյանի վերաբերյալ սովետական գրողների նոր աշխատություններ:

Կուստուր-լուսավորական հիմնարկությունների Գործերի Կոմիտեն նախապատրաստական աշխատանք է կատարում բարեկարգելու Քանաքեռում գտնվող Խաչատուր Աբովյանի տուն-թանգարանը, ինչպես նաև Երևան, Լենինական, Կիրովական քաղաքներում ու ռեպուբլիկայի շրջանային կենտրոններում կազմակերպելու Խաչատուր Աբովյանի հիշատակին նվիրված ցուցահանդեսներ:

Կինեմատոգրաֆիայի Մինիստրությունը հորեկյանի առթիվ ստեղծում է հատուկ կինոնակնարկ՝ նվիրված Խաչատուր Աբովյանի կյանքին և մեծ գրողի գտնված վայրերում նկարահանումներ է կատարում:

Հանձնաժողովը լսեց բանաստեղծ Ս. Շերմինսկու կողմից «Վերք Հայաստանի»-ի ռուսերեն նոր թարգմանությունից հատվածներ և հանձնարարեց Հայկական ՍՍՌ Գիտությունների Ակադեմիային վերջնականապես խմբագրել ներկայացված տեքստը՝ հորեկյանի առթիվ հրատարակելու համար։

Հանձնաժողովը նաև քննարկեց և հա-

վանություն տվեց հաշատուր Աբովյանի մահվան 100-ամյակին նվիրված նամակա-նիշների սերիայի համար ներկայացված նյութերին և հանձնարարեց Արվեստի Գործերի վարչությանը՝ մոտիկ օրերին ավարտել այդ նյութերի վերջնական մշակումը և նրանց ՍՍՌՄ Կապի Մինիստրության ներկայացնելը։

(229)

Երևանի Վ. Մ. Մուրտուլի անվան Պետական համալսարանում ռեկտոր Հ. Պողոսյանի նախագահությամբ կազմակերպվել է հայ մեծ լուսավորիչ Խ. Աբովյանի մահվան 100-ամյակի անցկացման հանձնաժողով։

Հանձնաժողովն արդեն մանրամասն ծրագիր է մշակել Խ. Աբովյանի մահվան 100-ամյակը համալսարանում անցկացնելու համար։

Կազմակերպվելու են գիտական սեսիաներ, որտեղ զեկուցումներ են կարդացվելու «Աբովյանը որպես գրող», «Աբովյանը և աշխարհաբար լեզուն», «Աբովյանը հայկական և ռուսական հրատարակություններում», «Աբովյանը որպես մանկավարժ» և այլ թեմաներով։

Աբովյանի վերաբերյալ նոր նյութեր հայտարարելու և մի շարք գիտա-հետազոտական աշխատանքներ կատարելու համար կազմակերպվում են գիտական գործուղումներ դեպի Մոսկվա, Տարտու (Դորպատ) և Թբիլիսի։

Հայկական ՍՍՌ Գիտությունների Ակադեմիայի Մ. Արեղյանի անվան Գրականության ինստիտուտը մեծ նախապատրաստական աշխատանք է կատարում արժանավայել կերպով նշելու հայ մեծ լուսավորիչ Խ. Աբովյանի մահվան 100-ամյակը։ Ինստիտուտը ակադեմիական հրատարակությամբ լույս է ընծայում Աբովյանի երկերի լիակատար ժողովածուն 8 հատորով։ Այժմ արդեն լույս է տեսել 4-րդ հատորը, հրատարակության է հանձնված 3-րդ հատորը։ Շուտով պատրաստ կլինեն նաև 1-ին և 2-րդ հատորները։ 3-րդ հատորն ընդգրկում է «Վերք Հայաստանի» վեպը, որը լույս է տեսնում առաջին անգամ ուղղված տեքստով։ Մինչև այժմ եղածները սխալ ընթերցվելու պատճառով հրատարակվել են կոպիտ վրիպակներով։ Տեքստը համեմատված է ինս-

Պետական համալսարանի հրատարակությամբ մինչև հորեկյանի օրերը պետք է լույս ընծայվեն Հայկական ՍՍՌ Գիտությունների Ակադեմիայի իսկական անդամ պրոֆ. Ա. Տերտերյանի «Խ. Աբովյանի սրտեղծագործությունները», դոկտոր-պրոֆեսոր Մ. Մկրյանի «Խ. Աբովյանի «Վերք Հայաստանի»-ն, դոցենտ Ս. Ղազարյանի «Խ. Աբովյանի լեզվական սկզբունքները», «Աբովյանը և աշխարհաբարը», ֆիլոլոգիական գիտությունների թեկնածու, դոցենտ Դ. Սեվակի, պրոֆ. Մ. Սանթրոսյանի և ֆիլոլոգիական գիտությունների թեկնածու Ս. Բաղյանի և Աբովյանի մասին աշխատությունները։

Կազմակերպվում է հորեկյանական մեծ ցուցահանդես, որն արտացոլելու է Աբովյանի դարաշրջանը և մեծ լուսավորչի կյանքն ու գրական գործունեությունը։

(224)

տիտուտի Աբովյանի արխիվում եղած երկու ձեռագրերի (աւագրքը և մաքրագիր) հետ։

Հորեկյանի օրերին կազմակերպվելու է գիտական սեսիա և լույս է տեսնելու հոդվածների ժողովածու՝ նվիրված Աբովյանին։ Սեսիան և ժողովածուն բազմակողմանիորեն պետք է լուսաբանեն Աբովյանի կյանքը, սրտեղծագործությունը և գործունեությունը։

Ռեսպուբլիկայի հորեկյանական հանձնաժողովի հանձնարարությամբ կազմակերպվելու է մեծ ցուցահանդես, որը բովանդակելու է Աբովյանի կյանքն ու գրական սրտեղծագործությունները։ Ցուցահանդեսում հատուկ բաժին է նվիրվելու «Աբովյանը և հայ ու ռուս ժողովրդների բարեկամությունը», «Աբովյանի ծննդավայրը» կամ «Քանաքեռ», «Աբովյանի վերք Հայաստանի վեպը» և այլ բաժիններ։

Հայ մեծ լուսավորիչ Խ. Աբովյանի մահվան 100-ամյա հոբելյանի առթիվ Հայկական ՍՍՌ Մինիստրների Սովետին կից Արվեստի Գործերի Վարչությունը հայտարարել է Աբովյանի լավագույն պորտրետի (գունանկարչական, դրաֆիկայի և քանդակագոր-

ծական) կոնկուրս, որին մասնակցում են ուսուցիչների կայի նկարիչներն ու քանդակագործները:

Բացի այդ, կոնկուրսին մասնակցում են նաև ժողովրդական վարպետներ, ինքնուսուցիչներ, կիրառական արվեստի ինքնուսուցիչներ, ասեղնագործներ և ուրիշներ:

ԿՈՏԱՅՔ.— Հայ մեծ լուսավորիչ Խ. Աբովյանի մահվան 100-ամյակի առթիվ Հայկական ՍՍՌ Մինիստրների Սովետի որոշմամբ մինչև օգոստոսի մեկը կարգի է բերվելու և նորոգվելու Աբովյանի տուն-թանգարանը և նրա շրջակայքը: Բարեկարգվելու է շրջակայքը և նորոգվելու է Երևան-Սևան տանող ճանապարհը: Քանաքեռի Կ. Աբովյանի անվան միջնակարգ դպրոցի դիրեկտորն աշակերտներին է ծրագրել դպրոցի աշակերտների համար Աբովյանի կյանքի և գրական գործունեության մասին զրույցներ

ՄՈՍԿՎԱ.— Խաչատուր Աբովյանի մահվան 100-ամյակի կապակցությամբ, ՍՍՌՄ Սովետական Գրողների Միության քարտուղարությունը որոշել է սեպտեմբերի 25-ին Երևանում գումարել ՍՍՌՄ Սովետական Գրողների Միության նախագահության նիստ՝ նվիրված հոբելյանին: Հոբելյանի հետ կապված միջոցառումների անցկացման համար ընտրվել է հանձնաժողով, որի կազմի մեջ մտել են Ն. Տիխոնովը (նախագահ), Վ. Կիրպոտինը (տեղակալ), Ա. Շերմինսկին (քարտուղար), Ա. Իսահակյանը, Մ. Շահինյանը, Լ. Լեոնովը, Գ. Ֆեդինը, Պ. Սկոսիրեն, Հ. Քոչարը, Ստեփան Զորյանը և ուրիշներ:

Հայ մեծ գրող Խաչատուր Աբովյանի մահվան 100-ամյակի առթիվ Հայպետհրատը լույս կընծայի մի շարք գրքեր:

Տպագրության է պատրաստվում մեծադրույն գրողի հատընտիր երկերի մի հատորակը հայերեն լեզվով: Այս հատորակի մեջ կմտնեն «Վերք Հայաստանի» պատմական վեպը, «Թուրքի աղբիկը», «Առաջին սեր» պատմվածքները, բանաստեղծություններ, առակներ և այլ երկեր: Գրքին կցված կլինեն

ծանոթություններ: Գիրքը բաղկացած կլինի 25 տպագրական մամուլից:

Ռուսերեն լեզվով լույս կընծայվի Աբովյանի հանրամատչելի բանաստեղծությունների և առակների ժողովածուն՝ Ս. Շերմինսկու թարգմանությամբ: Գիրքը կազմում է Ռ. Զարյանը:

Լույս կընծայվեն նաև Խ. Աբովյանի կենսագրությունը մասսայական տիրաժողով և հոգվածների ժողովածու՝ մեծ գրողի մասին: